

§ 1

Kattuffiup aqqa najugaqarfialu

Sulinermik Inuussutissarsiuteqartut Kattuffiat (S.I.K.) sulinermik inuussutissarsiuteqartut peqatigiiffiisa Kalaallit Nunaanni kattuffigaat.

Imm. 2. SIK-p qullersaqarfia Nuummi najugaqarfeqarpoq.

§ 2. Siunertaq.

SIK-p anguniarpaa sulisitsisunik isumaqatigiissutit aqcutigalugit sulinermik inuussutissarsiuteqartut akissarsiaticigut, inuuniarnermi atugarisaticigut, ilinniarfissaqartitaanikkut, suliffissaqarniarnikkut suliffimmilu toqqissisimanartumik oqartussaaqataallutillu pitsaasunik atugassaqartitaanissaat.

Imm. 2. Ilaasortat napparsimanerminni, naartunermi ernereernermilu, meerarsiartaarnermi, suliffimmi ajoqusernermi atonerluinermullu katsorsartinnermi isertitaticigut anaasaqannginnissaat sapinngisamik qulakkeerniassallugu, kiisalu soraarnerussutisiaqalersarnermik aqqqissuussinikkut utoqqalinermi inuuniarnermi atugarisaasa appariarpallaannginnissaat isumaginiassallugu.

Imm. 3. Inuiaqatigiinni innuttaasunut periarfissarititaasut atugassarititaasullu sapinngisamik tamanut naligiimmik iluaqutigineqarsinnaanissaat SIK-p anguniarpaa.

Imm. 4. Arnaaneq angutaanerluunniit, ammip qalipaataa, qassinik ukioqarneq, innarluuteqarneq, upperisaq naalackersuinikkulluunniit isummertarneq aallaavigalugit immikkoortitsisoqannginnissaa, inuiaqatigiinnili tamanut toqqissisimanartumik inuuneqar-nissamut periarfissiisoqarnissaa SIK-p anguniarpaa.

Imm. 5: S.I.K. pisussaavoq immikkoortortaqarfiit iluminni akunnerminniluunniit aammalu sinniisut suliffimminni ajornartorsiuteqartillugit periarfissaasinnaasut aqcutigalugit ikiorsertassallugit.

Imm. 6: Immikkoortortaqarfiit pisussaapput aningaasaticigut qanoq inissisimanertik pil-lugu Kattuffimmut qaammatit pingasukkaartumik nalunaaruteqartassallutik. Paasinarsippat immikkoortortaqarfik aningaasaqarniarnermigut annertuumik ajornartorsiuteqalersoq SIK pisinnaatitaavoq ajornartorsiutip iluarsinissaanut timitalimmik ikiuutissalluni, aammalu pisariaqarpat ajornartorsiutip anigornissaata tungaanut immikkoortortaqarfiup aningaasaqarneranut akuliutissalluni.

Imm. 7: Immikkoortortaqarfiit iluminni pisariaqartitsineq naapertorlugi soqutigisaqatigiiffinnik pilersitsiniarnerini ikiorsertassallugit.

Imm. 8: Immikkoortorta qarfiit iluminni pisariaqartitsineq naapertorlugu klubnik pilersitsiniarnerini ikiorsertassallugit.

Imm. 9: Soqutigisaqatigiit S.I.K.-p ataanut inissillutik suliniuteqartut ikiorsertassallugit.

Imm. 10: Soqutigisaqatigiit immikkoortorta qarfinngorniarlutik kissaateqartut immikkoortorta qarfinngorniarnerini ikiorsertassallugit.

Imm.11: Siuliini taaneqartut tunngavigalugit sulissutigissallugu pitsaasumik isumaqatigiissuteqarnikkut nunattalu aqunneqarnerani inatsisit tulluarsartuarnerisa sunniuteqarfiginiartuarnerisigut anguniakkat piviusunngortinniarneqarnerat aqutissiuunniassallugu.

Imm.12: Inatsisartut inunnik isumaginninnermut inatsisiliaat, peqqussusiaat, ileqqoreqqusaliaat il.il. naapertorlugit ilaasortat suliffissaarunnerini, napparsimanerini ajortu-meerneriniluunniit ikiorsertassallugit.

Imm. 13: S.I.K.-p sulissutigisaanut ilaapput ilaasortat sulisinnaannginnermi suliffissaarunnermilu timimikkut tartnermikkullu nakussassartuarnissaminut assigiinngitsutigut periarfissaqartuarnissaat.

Imm.14: S.I.K.-p isumagisassaraa anguniakkat assigiinngitsut anguniarnerini aningaasanik sillimmaateqartuarnissaq. Tamanna pissaaq § 11, imm. 6-imi taaneqartut tunngavigalugit. Aningaasaateqarfiullu atuiffigineqarnissaa, ataatsimeersuarnermi, nakkutilliisoqarfiup ataatsimiinnerani imaluunniit siulersuisuunernit aalajangiiffigineqartassaaq.

Imm. 15: Odaaq Olsenip Aningaasaateqarfianiit nersornaasiisarnissaq:
Ukiorpassuarni inuit sulilluarsimasut Aningaasaateqarfimmiit nersonaaserneqartassasut, kisiannili suliunnaarsimasut aatsaat taamatut pineqartassallutik. Tamannalu aatsaat pisinnaasassalluni immikkoortorta qarfiit siunnersuuteqarnerisigut, kiisalu SIK-p siulersuisuunerisa aalajangiinerisigut.

Aningaasaateqarfillu imatut aningaasalersorneqassaaq:
Immikkoortorta qarfiit namminneq namminneq aningaasalersuissasut, taamatuttaarlu SIK-p siulersuisuunerisa aalajangiinerisigut aningaasaateqarfimmut qanoq annertutigisumik ikisisoqartarnissaa aalajangerneqartassalluni, SIK-lu soorunami Aningaasaateqarfimmut nakkaatitsivissamik konto-mik pilersitsissalluni.

Imm. 16: S.I.K.-p sulissutigisaanut pingaarnernut ilaavoq nunatsinni sulisartut qaamarsarneqarnissaasa sulissutigiuarneqarnissaa. Tamanna pisinnaavoq sinniisut, siuttut soqutigisaqatigiiffiillu pikkorissartittuarnerisigut, isumasioqatigiissitsisarnikkut, Kattuffik nammineerluni tusaateqarnermigut imaluunniit tusagassiuutit assigiinngitsut aqutigalugit avatangiisit sulisartoqarneq pillugu qaammarsaaviginerisigut.

Imm. 17: S.I.K.-p sulissutigisassaanut ilaavoq nunat avannarliit akornanni sulisartut suleqatigiinnermikkut ineriartortitsinerminni siunnersoqatigiillutillu ikioqatigiittuarnissaasa peqataaffiginissaat, sulissutigissavaalu naggueqatigiit Inuit akornanni sulisartoqarnikkut suleqatigiissinnaanerup aqutissiuusseqataaffiginissaa.

Tamakku saniatigut pisariaqartitsineq naapertorlugu nunat assigiinngitsut sulisartoqar-nikkut suleqatigiiffiini Kattuffik suleqataasinnaavoq.

Imm. 18: Ukiorpassuarni ilaasortaasimasut allagartamik kajumissaaserneqartassapput sulisartut ullorsiorneranni tunniunneqartartussamik. Tamanna immikkoortorta qarfiit siunnersuuteqarnerisigut pisassaaq.

§ 3 Immikkoortorta qarfiit klub-illu.

S.I.K. immikkoortorta qarfeqarpoq imm. 2-mi aalajangersakkat naapertorlugit. Taakkulu saniatigut immikkoortortanut ilaasortanngorsinnaapput sulinermik inuussutissarsiutillit soqutigisaqatigiiffittut § 4 naapertorlugu nuna tamakkerlugu peqatigiiffinngorsimasut tamarmik.

Imm. 2. Nunaqarfinni illoqarfinnilu sulinermik inuussutissarsiutillit peqatigiiffii suli S.I.K.-mut ilaasortanngorsimanngitsut, qaammatini kingullerni arfinilinni (6) agguaqatigiisillugu 25-t angullugit ilaasorta qartut immikkoortorta qarfinngorniarlutik S.I.K.-mut qinnuteqarsinnaapput. Ilaasortalli 25-t inorpagit klub-itut immikkoortorta qarfinmmut qaninnerusaminnit nakkutigineqarlutik ingerlasinnaapput.

Taamaattorli klub-inngortut kissaatigippassuk tamakku toqqaannartumik S.I.K.-mit nakkutigineqarsinnaapput.

Imm. 3. S.I.K.-p ataatsimeersuarnerani Nakkutilliisoqarfiullu naapinnerani akuersissu-tigineqarlutik aalajangersakkat, anguniakkat il.il taakkualu tunngavigalugit S.I.K.-p ma-leruaqqusaliai immikkoortorta qarfinnit tamanit atortinneqartassapput.

Imm. 4. Kinaluunniit 14-inik ukioqalersimasoq S.I.K.-llu siunertaanut § 2-mi taagorne-qartunut peqataajumasooq immikkoortorta qarfinmmut ilaasortanngorsinnaavoq.

Imm. 5. S.I.K.-mut immikkoortorta qarfinngorniarluni qinnuteqaat S.I.K.-mi siulersui-suunernut allaganngorlugu nassiunneqassaaq. Immikkortorta qarfinngorniarlutik qinnu-teqartut S.I.K.-p inatsisaanut aalajangersagaanullu maleruaajumallutik akuersisut kiisalu minnerunngitsumik imm. 2-mi aalajangersakkamik naammassinnissimasut immikkoor-torta qarfittut ilaasortanngortinneqarsinnaapput.

Immikkoortorta qarfinngornermik akuersissummik nalunaarut tiguneqa-riarpat immikkoortorta qarfinngortoq S.I.K.-p ilaasortaanermut maleruaqqusai naapertor-lugit akiliuteqartalissaaq.

Imm. 6. Immikkoortorta qarfinngorumallutik qinnuteqartut siulersuisuunernit itigartin-neqarsimagunik pisinnaatinneqarput siulersuisuunerit tullianik ataatsimiinnissaannut aallartitaqarumassallutik, imaluunniit Ataatsimeersuarnissamut tulliuuttumut imaluunniit Nakkutilliisoqarfiup ataatsimiinneranut naammagittaalliuteqassallutik.

Imm. 7. Immikkoortorta qarfiit qanoq akulikitsigisumik / akuttutigisumik ataatsimeer-suartassanerlutik namminneq aalajangertassavaat, ataatsimeersuartitsinerli kingusinner-

paamik ukiut sisamat ingerlareernerisigut pisassaaq. Ataatsimeersuarneq sapinngisamik januarip marsillu akornanni pisassaaq. Ataatsimeersuarnermi qanoq ingerlasimanermut nalunaarut, naatsorsuutit kukkunersiorneqarsimasut, anguniakkat pillugit qanoq aalajangersaasimanerit, taamatullu kikkut qinigaasimanersut S.I.K.-mut nalunaarutigineqartassapput.

Imm. 8. Siulersuisuunerit suliatik apeqquutillu pingaaruteqartut immikkoortortaqaarfinnut nalunaarutigisassavaat.

Imm. 9. Immikkoortortaqaarfinnik ilaasortaajunnaarsitsineq S.I.K.-p siunertaanik inatsisaanillu unioqqutitsisoqarsimatillugu aatsaat pisinnaavoq ataatsimeersuartut 2/3-iisa ilaasortaajunnaarsitsineq akuersissutigippassuk. Tamatuma kingorna ataatsimeersuartut aalajangernerat siulersuisuunerit nalunaarutigisassavaat.

Imm. 10. Immikkoortortaqaarfik 25-t inorlugit ilaasortaqaalerpat siulersuisuunerit pisinnaatitaapput immikkoortortaqaarfik pineqartoq immikkoortortaqaarfittut naatsorsuukkunnaarlugu klub-itut ingerlaleraneramik nalunaarfigissallugu, tamannalu pillugu immikkoortortaqaarfik qaninnerusaa tamatuminnga nalunaarfigissallugu. Immikkoortortaqaarfiujunnaarnermik nalunaaruteqartoqarsimanngippat immikkoortortaqaarfik pineqartoq immikkoortortaqaarfittut naatsorsuunneqaannarallassaaq, inatsisillu malillugit pisussaataaffiit assigiinngitsut pisussaataaffigalugit.

§ 4 Immikkoortortaqaarfinni soqutigisaqaqatigiiffiit, nuna tamakkerlugu soqutigisaqaqatigiiffiit peqatigiiffii

Immikkoortortaqaarfiit pisinnaatinneqarput najukkaminni pissutsit aallaavigalugit suliat tunngavigalugit soqutigisaqaqatigiiffinnik sunilluunniit pilersitsisinnaallutik. Immikkoortortaqaarfinni soqutigisaqaqatigiiffinnik pilersitsiortoqareernerisigut, immikkoortortaqaarfinni soqutigisaqaqatigiiffiit qulit, agguaqatigiisillugu tamarmik immikkut 25-nik ikinnerunngitsunik ilaasortaqaarnissaaq anguppatigit nuna tamakkerlugu soqutigisaqaqatigiiffiit peqatigiiffiannik pilersitsisoqarsinnaavoq, peqatigiiffimmik pilersitsisoqarnissaaq soqutigisaqaqatigiiffinnit pisariaqartinneqarpat, imm. 2-milu aalajangersakkat naammassineqarpata.

Imm. 2. Nuna tamakkerlugu soqutigisaqaqatigiiffiit peqatigiiffiannik pilersitsisoqannginneranni makkua naammassineqareersimassapput: S.I.K.-p inatsisaani § 2-mut akertiunngitsunik malittarisassat pilersinneqassapput, immikkoortortaqaarfigineqartussat qulinit ikinnerussanngillat – agguaqatigiisillugu tamarmik 25-nik ilaasortaqaassapput, nuna tamakkerlugu peqatigiiffinngorniarluni ingerlatsinissamut tunngavissat assigiinngitsut naammassineqarsimassapput, nuna tamakkerlugu peqatigiiffinngorniarluni ataatsimeersuarneq ingerlanneqareersimassaaq.

Imm. 3. Imm. 1 aamma 2 naammassineqarsimappata, taamaalillunilu peqatigiiffittut ingerlanissamut tunngavissat pilersinneqarsimallutik, S.I.K.-mut immikkoortortaqaarfinngorniarluni qinnuteqaat allaganngorlugit siulersuisuunernut ingerlatinneqassaaq. Siulersuisuunerit piumasarineqartut naammassineqarpata peqatigiiffiup ilaasortanngorniarnera akuersissutigisassavaat, peqatigiiffittut ilaasortanngorniarneq akuerineqassanngippat peqatigiiffiup siulersuisui pisinnaatinneqarput siulersuisuunerit aalajangernerat

S.I.K.-p Ataatsimeersuarneranut Nakkutilliisoqarfiulluunniit ataatsimiinneranut naam-
magittaaliuuteqassallutik. Ilaasortanngorniarneq siulersuisuunerit akuersissutigis-
naanngippassuk Ataatsimeersuarnermi imaluunniit Nakkutilliisoqarfiup ataatsimiinne-
rani siulersuisuunerit aalajangererat allanngortinneqarsinnaavoq.

Imm. 4. Nuna tamakkerlugu soqutigisaqatigiiffiit peqatigiiffii kisimik S.I.K.-mut
immikkoortortaqarfittut ilaasortanngorsinnaapput, immikkoortortaqarfiit ataani soquti-
gisaqatigiiffiit nuna tamakkerlugu peqatigiiffiunngitsut immikkoortortaqarfinnut ilaa-
sortaappat toqqaannartumik S.I.K.-mut ilaasortanngorsinnaanatik.

Imm. 5. Nuna tamakkerlugu peqatigiiffiit S.I.K.-mut immikkoortortaqarfinngornissa-
minnik akuerineqarsimasut inatsisini immikkoortortaqarfinnut pisinnaatitaaffiit tamaasa
pisinnaatitaaffigaat.

§ 5 Sulinermik Inuussutissarsiuteqartut Kattuffiata aaqqissuusaanera.

1. Ataatsimeersuarneq
2. Nakkutilliisoqarfik
3. Siulersuisuunerit
4. Ulluinnarni aqutsisut
5. Immikkoortortaqarfiit
6. Peqatigiiffiit
7. Soqutigisaqatigiit ataasiakkaat

§ 6 Ataatsimeersuarneq.

Ataatsimeersuarneq S.I.K.-p oqartussaanerpaartaraa – ataatsimeersuarnermilu aatsaat
inatsisit allanngortinneqarsinnaapput atorunnaarsinneqarsinnaallutillu. Kattuffiup iluani
ajornartorsiutit tamat ataatsimeersuarnermi aalajangiiffigineqarsinnaapput.

Ataatsimeersuarnermi siulersuisuunernut ilaasortat § 9 tunngavigalugu qinerneqartus-
saapput.

Siulersuisuunerit akisarsiaat ataatsimeersuarnit aalajangerneqartassapput, taamaattorli
qinikkat atorfeqartitat honorarisiaqartinneqarsinnaanngillat.

Imm. 2. S.I.K. ukiut sisamat qaangiunneri tamaasa nalinginnaasumik ataatsimeersuar-
tassaaq. Ataatsimeersuarnerlu qaammammi septemberimi oktoberi-miluunniit ingerlan-
neqartassaaq Qaqortumi Sulisartut Højskolianni.

Imm. 3. Ataatsimeersuarnissamut siunnersuutit tassani aalajangersarneqartussat ataatsimeersuarnissaq qaammatinik pingasunik sioqqullugu S.I.K.-p qullersaqarfianut immikkoortortaqarfinniit, immikkoortortaqarfinni siulersuisunit oqaluuserineqareerlutik, ingerlaqqinnissaallu akuersissutigereerlugit, nassiunneqartassapput, qaammallu ataaseq sioqqullugu siunnersuutit immikkoortiterlugit suliarilluarneqareersimasut immikkoortortaqarfinnut utertinneqartassapput.

Imm. 4. Siulersuisuunernit ataatsimeersuarnissamut qaaqqusineqartinnagu ulluinnarni aqutsisunit uppersararneaqqaarallassaaq immikkoortortanit ilaasortat qassit S.I.K.-mut akiliuteqartarnersut – tamannalu naapertorlugu immikkoortortaqarfiit piaartumik tamatuminnga nalunaarfigineqassapput.

Imm. 5. Immikkoortortaqarfiit ukiup affaani kingullermi S.I.K.-mut akiliuteqarsimann-gitsut ataatsimeersuarnermut aallartitaqarsinnaanngillat.

Imm. 6. Soqutigisaqaqatigiiffiit, peqatigiiffiit imaluunniit immikkoortortaqarfiit ataatsimeersuarnermut aallartitaqartut, imm. 5-imi piumasarineqartunik naamassinnissimasut taaseqataasinnaapput peqataasoq ataaseq ataatsimik nalilerlugu. Qanoq ilaasortaqartigissuseq naatsorsorneqartassaaq ukiup ataatsimeersuarfissap siuliani Kattuffiup naatsorsuutigut angusimasai naapertorlugit. Ilaasortallu naatsorsorneqarsimasut amerlassusii naapertorlugit ima amerlatigisunik taaseqataasinnaasunik peqataatitaqartoqartassaaq:

- Ilaasortat 25-niit 250-nut 1
- Ilaasortat 251-niit 500-nut 2
- Ilaasortat 501-niit 750-nut 3
- Ilaasortat 751-t sinnerlugit 4

Sinniisorineqarlutik aallartitat ataatsimeersuarnermi oqaaseqarsinnaatitaallutillu taaseqataasinnaapput. Immikkoortortallu (klub-it) peqataasinnaatitaapput oqalliseqataasinnaallutik kisianni taaseqataasinnaanatik. Immikkoortortaniit peqataasut immikkoortortaqarfiup nammineq akiliuttassavai.

Imm. 7. Ataatsimeersuarnermi taasinerit allaganngorlugit imaluunniit peqataasut aqqisa suaarutiginerisigut ingerlanneqartassapput.

Imm. 8. Ilaasortaanermut allagartaq atorsinnaasoq ataatsimeersuarnernup aallartinnerani takutinneqartassaaq.

Imm. 9. SIK-p siulittaasuutut qinigassanngortissagaanni tamanna ataatsimeersuarnissaaq qaammatinik pingasunik sioqqullugu S.I.K.-p qullersaqarfianut immikkoortortaqarfinnullu nalunaarutigineqareersimasassaaq.

§ 7 Immikkut ittumik ataatsimeersuarneq.

Siulersuisuunerit tunngavilersukkanik kissaateqarnerat aammalu immikkoortortaqarfinnit tapersorsorneqarnerat naapertorlugu immikkut ittumik ataatsimeersuartitsineq piler-sinneqarsinnaavoq.

Imm. 2. Immikkoortortaqarfiit affaanit amerlanerusut tamanna piumasarippassuk immikkut ittumik ataatsimeersuortoqassaaq.

Imm. 3. Immikkut ittumik ataatsimeersuarneq § 6 malillugu ingerlanneqassaaq.

Imm. 4. Immikkut ittumik ataatsimeersuarnerit nalinginnaasumik ataatsimeersuar-
nertulli kimeqartigimmata immikkut ittumik ataatsimeersuarneqareertillugu aamma aat-
saat ukiut sisamat qaangiunnerisigut nalinginnaasumik ataatsimeersuortoqarsin-naavoq.

Imm. 5. Peqataasut amerlanerusut kissaatigippassuk immikkut ittumik ataatsimeer-
suarneq siulersuisuunernut ilaasortassanik qinersinertaqanngitsumik ingerlanneqarsin-
naavoq.

Imm. 6. Immikkut ittumik ataatsimeersuortoqarnissaanik piumasaqarneq imm. 1 ima-
luunniit imm. 2 najoqqutaralugu piumasaqartoqarneraniit qaammatit pingasut qaangi-
utsinnagit ataatsimeersuarneq ingerlanneqassaaq.

§ 8 Nakkutilliisoqarfik.

Nakkutilliisoqarfiup siunertaraa ataatsimeersuarnermi aalajangersakkat piviusunngor-
tinneqarnissaat eqqortinneqarnissaallu nakkutigissallugit.

Imm. 2. Nakkutilliisoqarfiup pisussaaffigaa S.I.K.-p aningaasatigut patajaatsumik in-
gerlanissaa aamma ataatsimeersuarnermi aalajangikkat naapertorlugit siulersuisuune-rit
sulinerat nakkutigissallugit aammalu pisinnaatitaalluni ataatsimeersuarnerup saniati-gut
ilaasortat akiliutaannik qaffaasinnaalluni.

Imm. 3. Nakkutilliisoqarfik tassaavortaaq politikikkut anguniagassanik oqalliffiu-
sartoq.

Imm. 4. Nakkutilliisoqarfik ataatsimiisinnegartassaaq upernaakkut qaammammi mart-
simi aprilimiluunniit. Nakkutilliisoqarfiullu ataatsimiinnerani sammineqassallutik
S.I.K.-p ataatsimeersuarnerata aalajangersagai, kiisalu akissarsiat pillugit isumaqati-
giinniutigineqartussat aalajangersaaffigineqarneri.
Taamatuttaarlu sulisoqarnermi pitsanngorsaaticineqartussat pillugit Inatsisartut ataatsi-
miinnissaannut siunnersuuteqarfiusassalluni.

Imm. 5. Ulluinnarni aqutsisut pisussaaffigaaq Nakkutilliisoqarfiup ataatsimiinnis-
saannut paasissutissat assigiinngitsut immikkoortortaqaqarfinnut tamanut nassiutissallugit
ataatsimiinnissaq qaammammik ataatsimik sioqqullugu.

Imm. 6. Nakkutilliisoqarfik inuttaqartinneqassaaq immikkoortortaqaqarfiit iluminni toq-
qagaannik.

§ 9 Siulersuisuunerit.

Siulersuisuunerit qulingiluaasut sinniisussallu ataatsimeersuarnermi qinerneqartassapput
– ukuusut:

1. Siulittaasoq
2. Siulittaasup tullia
3. Ilaasortat arfineq marluk (7)

4. Sinnisussat tallimat

Imm. 2. Siulersuisuunernut ilaasortat akisussaaffiisa suliassaasalu agguataarneqarneri siulersuisuunerit namminneq iluminni aqqissuuttassavaat.

Imm. 3. Siulersuisuunerni ilaasortaq naalackersuinermi suliaqartussatut qinigaasimaguni, nammineq aalajangertassavaa siulersuisuunerninngaanniit tunuassanerluni. Allamilli pissuteqarluni sivisunerusumik qimagussimasariaqassaguni, siulersuisuunernut sinnisussatut qinerneqarnerpaasimasoq siulersuisuunernut ivertinneqassaaq.

Imm. 4. Siulersuisuunerniluunniit ilaasortaq naalackersuinikkut suliaqartussatut qinigaanermi sulisitsisutut inissisimalissappat (borgmesterinngorluni, Naalackersuisuni ilaasortanngorluni) piaarnerpaamik tunuartassaaq.

Imm. 5. Siulersuisuunerit pisussaatinneqassapput ulluinnarni aqutsisut akornanni S.I.K.-p aningaasaataanik atornerluisoqarsimatillugu, taamatullu uppersaatissaqartumik takussutissaqartoqartillugu, tunuartitsisinnaanissamik.

Imm. 6. Siulersuisuunerit pisinnaatinneqassapput siulersuisuunernut ilaasortat ilaannik tunuartitsisinnaanermut, pineqartoq S.I.K.-p pappiaraataanik Kattuffiullu siunertaanut siunertaanullu akornutaasumik siulersuisuunernit immikkut akuerineqanngitsumik oqaatsitigut tusagassiuutitigulluunniit siaruarerisimappat.

Imm. 7. Ukioq 1989 aallarnerfigalugu siulersuisuunerit pisinnaatitaaffeqalerput S.I.K.-mi ingerlanerliortoqartillugu imaluunniit immikkoortorta qarfiit toqqissisimajunnaarnerini, pisut iluarsiumallugit Nakkutilliisoqarfik piaarnerpaamik ataatsimiigiaqqussallugu.

§ 10 Ulluinnarni aqutsisut.

Siulittaasoq, siulittaasullu tullia – SIK-mit atorfeqartinneqartussat – illoqarfimmi ataatsimi najugaqartassapput, taakkuli arlaat nuuttariaqassappat(-ta) Kattuffiup aningaasartuutigissavaa(-vai).

Imm. 2. Ulluinnarni aqutsisunut ilaasortat akisussaaffiisa suliassaasalu agguataarneqarneri ulluinnarni aqutsisut namminneq iluminni aqqissuuttassavaat.

Imm. 3. Ulluinnarni aqutsisuni ilaasortaq kommunalbestyrelsimi, aamma Inatsisartuni suliaqartussatut qinigaassaguni, nammineq aalajangertassavaa siulersuisuunerninngaanniit tunuassanerluni. Allamilli pissuteqarluni sivisunerusumik qimagusimasariaqassaguni, § 9 imm. 1-imi tulleriissaarineq naapertorlugu ulluinnarni aqutsisut sinnerisa inissisimaffii qaffaallatsinneqassapput. Taamatuttaaq siulersuisuunernut ilaasortani qinigaanerpaasimasoq qummut qaffaallatsinneqartassaaq.

Imm. 4. Ulluinnarni aqutsisuni ilaasortaq naalakkersuinikkut suliaqartussatut qinigaa-nermini sulisisisutut inissisimalissappat (borgmesterinngorluni, Naalakkersuisuni ilaasortanngorluni) ingerlaannartumik tunuartassaaq.

Imm. 5. Ataatsimeersuarnermi imaluunniit Nakkutilliisoqarfeqarnermi aalajangersakkat aningaasanut tunngasut ulluinnarni aqutsisut piaarnerpaamik allaffitsigoortumik susas-
saqartunut tamanut allakkatigut nalunaarutigisassavaat.

§ 11 Aningaasat.

S.I.K.-mut akiliutit qanoq annertutiginiisaat ataatsimeersuarnermi Nakkutilliisoqarfiullu ukiumoortumik naapinneranni siumut missingersuusiorsimanerit tunngavigalugit aalaja-
ngiiffigineqartassapput. 18-it inorlugit ukiullit, ilinniartut ullullu affaanik sulisartut af-
faannarmik akiliuteqartassapput.

Imm. 2. Ilaasortaanermut akiliut sapinngisamik aningaaserivitsigoortumik (PBS) aki-
lersorneqassaaq.

Imm. 3. SIK-p immikkoortortaqarfiullu arlaasa akiliut tamakkerlugu tigusimagunikku,
pisussaapput SIK-p immikkoortortaqarfiilluunniit pisassaat piaartumik nassitutissallugit.

Imm. 4. S.I.K.-mi aningaasatigut aqutsineq siulersuisuunerit ataatsimeersuarnermi Nak-
kutilliisoqarfiullu naapittarnerini aalajangersarneqarsimasut tunngavigalugit akisussaaf-
figaat.

Imm. 5. Ataatsimeersuarnermi nakkutilliisoqarfiullu naapittarnerini aalajangersarneqar-
simasut saniatigut immikkut aningaasartuuteqartoqassatillugu siulersuisuunerit aalaja-
ngiineri atuuttassapput.

Imm. 6. Suliumajunnaarnissamut aningaasaateqarfimmut ilaasortap ataatsip akiliutaanit
toqqorterisoqartassaaq – taakkulu S.I.K.-p ingerlatsinermut karsiani katersuiffeqartinne-
qassapput, (konto-qartinneqassapput) pisariaqarpallu nalilinnut qularnaatsunut inissin-
neqarsinnaassallutik.

Aammattaarlu S.I.K.-p ataatsimeersuarnerani kiisalu Nakkutilliisoqarfe-
qarnerani siulersuisuunerit inassuteqartassapput qanoq annertutigisumik tassunga kater-
suiffimmut nakkaatitsisoqassanersoq. Tamannalu ataatsimeersuaqataasunut aalajangi-
gassaganngorlugu inassutigineqartassaaq.

Suliumajunnaarnissamut aningaasaateqarfiup aningaasaataanit atuisoqar-
sinnaanngilaq siulersuisuunerit akuersiseqqartinnagit.

Imm. 7. S.I.K.-p naatsorsuutai kukkunersiuunit ataatsimeersuarnermi toqqarneqartunit
kukkunersiorneqartassapput. Ataatsimeersuarnermi Nakkutilliisoqarfeqarnermilu akueri-
sassanngorlugit saqqummiunneqartassapput, avataaniillu takussallugit pisariaqartinne-
qarpata taamaaliornissaq siulersuisuunerit akuerigallartassavaat.

§ 12 Isumaqatigiinniartarnerit.

Namminersornerullutik Oqartussanut allanullu isumaqatigiinniartarnerit:

- a. Ataatsimeersuarnermi Nakkutilliisoqarfiullu ukiumoortumik naapinneranni pisortanut suliffeqarfinnullu allanut isumaqatigiinniarnissani anguniakkat pingaartillugit siunnersuutigineqartussat aalajangersarneqartassapput.
- b. Ulluinnarni aqutsisut isumaqatigiinninniartarnerit ingerlattassavaat, piareersarnerillu siulersuisuunernit suliarineqartassapput. Pisariaqartitsineq tungavigalugu soqutigisaqatigiinnit assigiinngitsunit sinniisut piareersarnerni isumaqatigiinniarnernilu peqataatitaqarsinnaapput. Tamatuma sanitatigut ulluinnarni aqutsisut immikkut ilisimasalinnik S.I.K.-milu atorfilinnik siunnersorteqarlutillu ikiortiserinnissinnaapput.
- c. Pisortanut isumaqatigiissuteqareernerup naammassereernerisigut ulluinnarni aqutsisut sineriammi agguarlutik nassuiaajartortassapput, pisariaqarpat atorfilinnik peqateqarlutik.
- d. Namminersornerullutik Oqartussanut allanullu isumaqatigiissutit atuukkunnaarfissaat kingusinnerpaamik qaammatinik 4-nik sioqqullugu immikkoortotaqarfiit soqutigisaqatigiiffiillu siunnersuutissaminnik S.I.K.-mut nassiussisinnaapput.

Imm. 2. Nuna tamakkerlugu suliffeqarfittut taaneqarsinnaasunut isumaqatigiinniartarnerit:

- a. Ulluinnarni aqutsisut – pisariaqartinneqarpallu siulersuisuunernut ilaasortat peqatigalugit – nuna tamakkerlugu suliffeqarfinnut isumaqatigininniartarnerit sapinngisamik Namminersornerullutik Oqartussat isumaqatigiissutigineqarsimasut tungavigikannerlugit ingerlallugillu aquttassavaat. Isumaqatigininniarnerni taamaattuni ulluinnarni aqutsisut arlaat pinngitsoorani peqataasassaaq.
- b. Ulluinnarni aqutsisut pisariaqartitsinertik tungavigalugu piareersarnermi isumaqatigiinninniarnernilu siunnersortissaminnik toqqaasarsinnaapput.

Imm. 3. Illoqarfigisami suliffeqarfinnut isumaqatigininniartarnerit:

- a. Ulluinnarni aqutsisut pisinnaatitsisinnaapput suliffeqarfinnut – imm. 1-imi 2-milu pineqanngitsunut - isumaqatigininniarnissani piareersaasus-sanik ingerlatitsisussanillu toqqaanissamut.
- b. Taama akuersissuteqartoqarsimappat isumaqatigiissutissat atsiortinnagit ulluinnarni aqutsisunut akuerisassanngorlugit saqqummiunneqassapput,

ulluinnarnilu aqutsisut allannguutaasinnaasutut piunasaqaataat tunngavigalugit isumaqatigiinninniarnit inaarsarneqartassallutik.

- c. Isumaqatigiittoqarsinnaatinnagu ulluinnarni aqutsisut pisussaapput namminneq qanoq iliuseqarnermikkut isumaqatigiinninniarnit piaarnerpaamik naamassineqarnissaat anguniassallugu.

Imm. 4.

- a. Isumaqatigiinninniarnit imm. 1-imi, 2-mi 3-milu taaneqartuni sulinermik unititsinerit suliumajunnaarnerillu aatsaat pisinnaapput siulersuisuunerit akuersinerisigut aalajangiinerisigullu.
- b. Sulinermik unititsinermit akissarsiassanik annasaqaatiasiassat S.I.K.-p nammaqataaffigilersinnaavai ulluinnarni aqutsisut taamaaliornissamut akuersereersimappata.

Imm. 5. Siulersuisuunerit akuersinerisigut annasaqaatiasiassat imm. 4 b-mi taaneqartut S.I.K.-p suliumajunnaarnerissamut aningaasaateqarfianit § 11, imm. 6-imi taaneqartumik isumagineqarsinnaapput.

Imm. 6. Isumaqatigiinninniarnit suulluunniit naammassilernerini immikkoortortaqrarfiit siulersuisuisa akuersinissaat tusarniarneqartassaaq.

§ 13 Inatsisunik allannguneq.

SIK-p inatsisai allanngortinneqarsinnaapput SIK-p ataatsimeersuarnerani.

Imm. 2. Allannguutissatut siunnersuutit allaganngorlugit kattuffimmut § 6, imm. 3 naapertorlugu piffissaliunneqartut malillugit nassiunneqarsimassapput.

§ 14. Kattuffiup atorunnaarsinneqarnera.

SIK atorunnaarsinneqarsinnaavoq, atorunnaarsitsinissaq siunertaralugu immikkut ittumik ataatsimeersuartitsinermit, ileqqusumik ataatsimeersuarnermit taaseqataasinnaallutik peqataasut $\frac{3}{4}$ -iisa piunasaqarnerat malillugu.

Imm. 2. SIK-p atorunnaarsinneqarnissaa § 14, imm. 1. naapertorlugu immikkut ittumik ataatsimeersuarnermit aalajangiunneqassagaluarpat kattuffiup naliliutai sumut atorneqasansersut ataatsimeersuaqataasut ikinnerpaamik $\frac{3}{4}$ -iisa isumaqataaffigisaannut atorneqasapput.